

東漢會要

八

皇朝通志卷之六

禮部武庫博士 徐廷光

曆數下

天文彗異

王莽地皇三年十二月有彗象于海東南行五日不

見

四年六月有雲氣如塚山墮車上軍人皆感所謂

彗頭之星也

四年秋太白在大微中滿地如月光

光武建武九年七月乙丑彗星行車轂大星十月

乙丑又犯

東漢會要卷第十六



奉議郎武學博士臣徐



曆數下

天文變異



王莽地皇三年十一月有星孛于張東南行五日不

見本志

四年六月晝有雲氣如壞山墮軍上軍人皆厭所謂

營頭之星也

四年秋太白在太微中燭地如月光

光武建武九年七月乙丑金星犯車轅大星十一月

乙丑又犯車轅

劉生

十年三月癸卯流星如月從太微出入北斗魁第六

星色白旁有小星射者十餘枚滅則有聲如雷食頃

止十二月己亥大流星如乍出柳西南行入軫且滅

時分為十餘如遺火狀須更有聲隱隱如雷

十二年正月己未小星流百枚以上或西北或正北

或東北二夜止六月戊辰小流星以上四面行

十五年正月丁未彗星見昴稍西北行入營室犯離

宮三月乙未至東壁滅見四十九日

三十年閏月甲午水在東井二十度生白氣東南指

炎長五尺為彗東北行至紫宮西藩止五月甲子不

見凡見三十一日

三十一年七月戊午火在輿鬼一度入鬼中出尸星
南半度十月己亥犯車轅大星又七日間有客星炎
二尺所西南行至明年二月二十二日在輿鬼東北
六尺所滅凡見百一十三日

中元二年八月丁巳火犯太微西南角星相去二寸
十月戊子大流星從西南東北行聲如雷火犯太微
西南角

孝明永平元年四月丁酉流星大如斗起天市樓西
南行光照地

三年六月丁卯彗星出天軀北長二尺所稍北行至
亢南百三十五日去

三八

東漢會要十六

二

劉生

四年八月辛酉客星出景河西北指貫索七十日去
七年正月戊子流星大如杯從織女西行光照地

八年六月壬午長星出柳張三十六度犯車轅刺天
軀陵大微氣至上階凡見五十六日去

九年正月戊申客星出牽牛長八尺歷建星至房南
滅見至五十日

十三年閏月丁亥火犯輿鬼質星

十四年正月戊子客星出昴六十日在車轅右角稍
滅

十五年十一月乙丑太白入月中

十六年正月丁丑歲星犯房右驂北第一星不見辛

已乃見

四月癸未太白犯畢

十八年六月己未彗星出張長三尺轉在郎將南入
太微

孝章建初元年正月丁巳太白在昴西一尺八月庚
寅彗星出天市長二尺所稍行入牽牛三度積四十
日稍減

二月九日甲寅流星過紫宮中長數丈散為三減十
二月戊寅彗星出婁二度長八九尺稍入紫宮中百
六日稍減

元和元年四月丁巳客星晨出東方在胃八度歷閣
道入紫宮流四十日滅

東漢書卷十九

三

江蘇

孝和永元元年正月辛卯有流星起參長四丈有光
色黃白二月流星起天棓東北行三丈所滅色青白
壬申夜有流星起太微東蕃長三尺三月丙辰流星
起天津壬戌有流星起天將軍東北行

二年正月乙卯金木俱在奎丙寅水又在奎辛未水
金木俱在婁二月丁酉有流星大如挑起紫宮東蕃
西北行五丈稍滅四月丙辰有流星大如瓜起文昌
東北行至少微西滅有頃音如雷聲已而金在車轅
大星東北二尺所八月丁未流星如雞子起太微
西東南行四丈所消

十月癸未
有流星大如桃起天津西行六丈所消
十一月辛酉
有流星大如拳起紫宮西行到胃消

三年九月丁卯
有流星大如雞子起紫宮西南至北
斗柄間消

五年四月癸巳
太白熒惑辰星俱在東井
七月壬午
歲星犯車轅大星九月金在南斗魁中
火犯房北第一星

七年正月丁未
有流星起天津入紫宮中減色青黃
有光二月癸酉
金火俱在參
戊寅金火俱在東井
八月甲寅
水土金俱在軫
十一月甲戌
金火俱在心
十二月己卯
有流星起文昌入紫宮消
丙辰火金水俱在斗

三月廿六

東漢會要十六

9

平

十一年五月丙午
流星大如瓜起氐西南行稍有光
白色

十二年十一月癸酉
夜有蒼白氣長三丈起天園東
北指軍市見積十日

十三年十一月乙丑
車轅第四星間有小客星色青
黃

十六年四月丁未
紫宮中生白氣如粉絮
戊午客星出紫宮西行至昴
五月壬申滅
七月庚午水在輿鬼
中十月辛亥
流星起鉤陳北行三丈有光色黃

元興元年一月庚辰
有流星起角亢五丈所四月辛

亥有流星起斗東北行到須女七月己巳有流星起
天市五丈所光色赤閏月辛亥永金俱在氏流星起
斗東北行至須女

孝殤延安元年正月丁酉金火在婁

孝安永初元年五月戊寅熒惑逆行守心前星八月
戊申客星在東井弧星西南

二年正月丙子太白晝見三年正月庚戌月犯心後
星己亥太白入斗中十二月彗星起天帶南東北指
長六七尺色蒼白

四年六月甲子客星大如李蒼白芒氣長二尺西南
指上階星癸酉太白入輿鬼

五年六月辛丑太白晝見經天

元初元年三月癸酉熒惑入輿鬼二年九月辛酉熒
惑入輿鬼中三年三月熒惑入輿鬼中五月丙寅太
白入畢口七月甲寅歲星入輿鬼閏月己未太白犯
太微三執法十一月甲午客星見西方己亥在虛危
南至胃昂

四年正月丙戌歲星留輿鬼中己未太白晝見丙上
四月壬戌太白入輿鬼中己巳辰星入輿鬼中五月
己卯辰星犯歲星六月丙申熒惑入輿鬼中戊戌犯
輿鬼大星九月辛巳太白入南斗口中五年三月丙
申鎮星犯東井鉞星五月庚午辰星犯輿鬼觜星丙

戌太白犯鉞星六年四月癸丑太白入輿鬼六月丙戌熒惑在輿鬼中丁卯鎮星在輿鬼中辛巳太白犯左執法

延光二年八月己亥熒惑出太微端門三年二月辛未太白犯昴五月癸丑太白入畢九月壬寅鎮星犯左執法四年太白入輿鬼中六月壬辰太白出太微九月甲子太白入斗口中十一月客星見天市

孝順永建二年二月癸未太白晝見三十九日閏月乙酉太白晝見東南維四十一日八月乙巳熒惑入輿鬼

六年四月熒惑入太微中犯左右執法西北方六寸所十月乙卯太白晝見十二月壬申客星芒氣長二尺餘西南指色蒼白在牽牛六度

陽嘉元年閏月戊子客星氣白廣二尺長五丈起天苑西南

永和二年五月戊申太白晝見八月庚子熒惑犯南斗

三年二月辛巳太白晝見戊子在熒惑西南光芒相犯辛丑有流星大如斗從西北東行長八九尺色赤黃有聲隆隆如雷三月壬子太白晝見六月丙午太白晝見八月乙卯太白晝見閏月甲寅辰星入輿鬼己酉熒惑入太微乙卯太白晝見

四年七月壬午熒惑入南斗犯第三星五年四月戊午太白晝見八月己酉熒惑入太微

六年二月丁巳彗星見東方長六七尺色青白西南指營室及墳墓星丁丑彗星在奎一度長六尺癸未昏見西北歷昴畢甲申在東井遂歷輿鬼柳七星張光炎及二台至車轅中滅

漢安二年正月己亥太白晝見五月丁亥辰星犯輿鬼六月乙丑熒惑光芒犯鎮星七月甲申太白晝見孝質本初元年三月癸丑熒惑入輿鬼四月辛巳太白入輿鬼五月庚戌太白犯熒惑

孝威建和元年八月壬寅熒惑犯輿鬼質星三年二

宋汝南書卷十五

七

劉向

月辛卯熒惑行在輿鬼中三年五月己丑太白行入太微右掖門留十五日山端門丙申熒惑入東井八月己亥鎮星犯輿鬼中南星乙丑彗星芒長五尺見天市中東南指色黃白九月戊辰不見

元嘉元年二月戊子太白晝見
永興二年閏月丁酉太白晝見

永壽元年三月丙申鎮星逆行入太微中七十四日去左掖門七月己未辰星入太微中八十八日去左掖門八月己巳熒惑入太微二十一日出端門

二年六月甲寅辰星入太微遂伏不見八月戊午太白犯車轅大星其三年四月戊寅熒惑入東井口中

其七月丁丑太白犯心前星

延熹四年三月甲寅熒惑犯輿鬼質星五月辛酉客星在營室稍順行生芒長五尺至心一度轉爲彗

六年十一月丁亥太白晝見七年七月戊辰辰星犯歲星八月庚戌熒惑犯輿鬼質星庚申歲星犯車轅大星十月丙辰太白犯房北星丁卯辰星犯太白十二月乙丑熒惑犯車轅第二星

八年五月癸酉太白犯輿鬼質星壬午熒惑入太微右執法閏月己未太白犯心前星十月癸酉歲星犯左執法十一月戊午歲星入太微犯左執法九年正月壬辰歲星入太微中五十八日出端門六月壬戌

三十七

宋史卷一百六

八

列傳

太白行入輿鬼七月乙未熒惑行輿鬼中犯質星九月辛亥熒惑入太微西門積五十八日

永康元年正月庚寅熒惑逆行入太微東門留太微中自一日出端門七月丙戌太白晝見經天

孝靈帝建寧元年六月太白在西方入太微犯西蕃南頭星

熹平元年十月熒惑入南斗中

二年四月有星出文昌入紫宮蛇行有首尾無身赤色有光照垣牆八月丙寅太白犯心前星辛未白氣如一匹練衝北斗第四星

光和元年四月癸丑流星犯車轅第二星東北行入

北斗魁中八月彗星出亢北入天市中長數尺稍長至五六丈赤色經歷十餘宿八十餘日乃消於苑中三年冬彗星出狼弧東行至于張乃去

五年四月熒惑在太微中守肆七月彗星出三台下東行入太微至太子幸臣二十餘日而消十月歲星熒惑太白三合於虛根去各五六寸如連珠

光和中國皇星東南角去地一二丈如炬火狀十餘日不見

中平二年十月癸亥客星出南門中大如半筵五色喜怒稍小至後年六月消

三年四月熒惑逆行守心後星十月戊午食心後星

三十四

東漢會要十六

九

丁和

五年二月彗星出奎逆行入紫宮後三出六十餘日乃消六月丁卯客星如三升椀出貫索西南行入天市至尾而消

中平中夏流星赤如火長三丈起河鼓入天市抵觸官者星色白長二三丈後尾再屈食頃乃滅狀似枉矢

六年八月丙寅太白犯心前星戊辰犯心中大星孝獻初平三年九月蚩尤旗見長十餘丈色白出角亢之南

四年十月孛星出兩角間東北行入天市中而滅建安五年十月辛亥有星孛于大梁

九年十一月有星孛于東井輿鬼入車轅太微
十一年正月星孛于北斗首在斗中尾貫紫宮及北
辰

十二年十月辛卯有星孛于溷尾

十七年十二月有星孛于五諸侯

十八年秋歲星鎮星熒惑俱入太微逆行留守帝坐
百餘日

二十三年三月孛星晨見東方二十餘日夕出西方
犯歷五車東井五諸侯文昌后妃太微鋒炎指帝坐

隕石

漢帝延平元年九月乙亥隕石陳留四春秋僖公十

東漢會要卷六

十一

和

六年隕石于宋五傳曰隕星也董仲舒以為從高反
下之象或以為庶人惟星星隕民困之象也

成帝延熹七年三月癸亥隕石右扶風一鄠又隕石
二皆有聲如雷

五行災變

貌之不恭是謂不肅厥怒狂

淫雨

服妖

雞禍

青青

屋自壞

言之不從是謂不乂厥咎僭

訛言

旱

謠

狼貪人

視之不明是謂不愆厥咎舒

灾火

草妖

羽蟲孽

羊禍

聽之不聰是謂不謀厥咎急

大水

水變色

大寒

雹

冬雷

山鳴

魚孽

蝗

思之不容是謂不聖厥咎霧

地震

山崩

地陷

大風拔木

螟

牛疫

皇之不極是謂不建厥咎眚

射妖

龍蛇孽

馬禍

人癘

人化

死復生

疫

投蜺

日蝕

日抱

日赤無光

日黃珥

日七

十一

孫

日中黑

虹貫日

月蝕非其月

五行傳說及其占應漢書五行志錄之詳矣故泰山太守應劭給事中董巴散騎常侍譙周並撰建武以來灾異今合而論之以續前志云起上詳見五行志此不具載

東漢會要卷第十六

東漢會要卷第十七

奉議郎武學博士 臣徐

大麟

上進

封建上

封皇子



世祖初大司馬吳漢請封皇子不許重奏連歲建武十五年三月乃詔羣臣議大司空融固始庶通膠東侯復高密侯禹太常登等奏議曰古者封建諸侯以藩屏宗師周封八百同姓諸姬並為建國夾輔王室尊事天子享國永長為後世法故詩云大啓爾宇為周室輔高祖聖德光有天下亦務親封立兄弟諸子不違舊章陛下德橫天地興復宗統褒德賞勳親睦

三十五

一

六正

九族功臣宗室咸蒙封爵多受廣地或連屬縣今皇子賴天能勝衣趨拜陛下恭謙克遜抑而未議羣臣百姓莫大失望宜因盛夏吉時定號位以廣藩輔明親親尊宗廟重社稷應古台舊厭眾心臣請大司空上輿地圖太常擇吉日具禮儀制曰可夏四月戊中以太牢告祠宗廟丁巳使大司空融告廟封皇子輔為右翊公英為楚公陽為東海公康為濟南公蒼為東平公延為淮陽公荆為山陽公衡為臨淮公焉為左翊公京為琅邪公紀

明帝永平二年封皇子建為千乘王美為廣平王十五年封皇子恭為鉅鹿王黨為樂成王衍為下邳王

暢為汝南王昭為營山王長為濟陰王初帝安示地圖將
封皇子悉半諸國明德馬右見而言曰諸子食數縣
於制不已儉乎帝曰我子豈宜與先帝子等乎歲給
二千萬足矣皇右紀

建初四年案輿地圖令諸國戶口皆等租入歲各八

千萬陳敬王傳

皇子封王其郡為國詳見王國官屬

諸王封者受茅土歸以立社稷百官志

封宗室

王莽居攝欲慰安宗室故不被刑誅及莽篡位立劉
氏為侯者皆降稱子食卿祿後皆奪爵城陽恭王傳

二六

東漢書卷十七

二

七

世祖建武二年十二月戊午詔曰惟宗室列侯為王
莽所廢先靈無所依歸朕愍之其並復故國若侯身
已歿屬所上其子孫見名尚書封拜紀

丁三年二月丙辰詔曰長沙王興真定王得河間王
邵中山王茂皆襲爵為王不應經義其以興為臨湘
侯得為真定侯邵為樂成侯茂為單父侯其宗室及
絕國封侯者凡一百三十七人丁巳降趙王良為趙
公太原王章為齊公魯王興為魯公紀

臣天麟按自昔聖王制世御極必建牧立監以蕃
屏王室是以內外相維而國勢久安自秦人不師
古始罷侯置守而封建之法始廢漢祖龍興取周

秦之制而兼用之其亦有意於矯前世之弊矣惜其措慮不遠制爵過制中立以後尾大之勢浸成而遂兆吳楚七國之變斯則措置之失而非封建之法不可行也故賈誼在文帝時建言欲天下治安莫若衆建諸侯而少其力至武帝世主父偃復請令諸侯得推恩分子弟以地武帝從之於是蕃國始分而支度畢侯列國之勢浸以銷弱終西都之世無復反者光武中興因高文疏爵之制封建宗室故齊武魯哀汝陰輩以功安成居業甘里輩以親皆能乘時蹈運保有某土藩翼王室至明章之世東平東海沛獻等各能謙抑令終爲一代賢王其蹈憲網者雖或有之然無西京元起之患光武之慮後世不亦遠乎

封第一代後 見賓禮

封孔子後 見賓禮

封功臣

建武二年正月悉封諸功臣爲列侯梁侯鄧禹廣平侯吳漢皆食四縣餘各有差下詔曰諸將業遠功大誠欲傳於無窮其綱効未酬名籍未立若大鴻臚趣上朕將差而錄之士丁恭議曰古帝王封諸侯不過百里強幹弱枝所以爲治也今封四縣不合法制帝曰古之亡國皆以無道未嘗聞功臣地多而滅亡

者也乃遣謁者即授印綬策曰在上不驕高而不危制節謹度滿而不溢敬之戒之傳爾子孫長爲漢藩陰鄉侯陰識貴人之兄也以軍功當增封識叩頭曰天下初定將帥有功者衆臣託屬掖庭仍加爵邑不可以示天下此爲親戚受賞國人計功也帝從之帝令諸將各言所樂比日占美縣河南太守丁綝獨求封本鄉或問其故綝曰綝能薄功微得鄉亭厚矣帝從其志封新安鄉侯帝使郎中馮勤典諸侯封事勤差量功次輕重國土遠近地勢豐薄不相踰越莫不厭

服焉

紀及列傳

十三年大饗將士班勞策勲功臣增邑更封凡三百

卷九

東漢書要下七

甲

如

六十五人 本紀

范曄論曰中興二十八將前世以爲上應二十八宿末之詳也然咸能感會風雲奮其智勇稱爲佐命亦各志能之士也議者多非光武不以功臣任職至使英姿茂績委而勿用然原夫深圖遠筭固將有以焉爾若乃王道旣衰收時及霸德猶能授受惟庸黷賢皆序如管隰之迭升成世先趙之同列文朝可謂兼通矣降自秦漢世資戰力至於翼扶王運皆武人屈起亦有鬻繒屠狗輕涓涓之徒或崇以連城之賞或任以阿衡之地故執疑則隙生力侔則亂起蕭樊且猶縲紲信越終見菹戮不其然乎自茲以降迄于孝武率

輔五世莫非公侯遂使縉紳道塞賢能蔽壅朝有世
及之私下多抱關之怨其懷道無聞委身草莽者亦
何可勝言故光武鑒前事之違存矯枉之志雖冠鄧
之高勳景實之鴻烈分土不過大縣數四所加特進
朝請而已觀其治平臨政課職責各將所謂導之以
政齊之以刑者乎若格之功臣其傷已甚何者直繩
則虧喪恩舊撓情則違廢禁典選德則功不必厚舉
勞則人或未賢參任則羣心難塞並列則其蔽未遠
不得不校其勝否即以事相權故高秩厚禮允谷元
功峻文深憲責成吏職建武之世侯者百餘若夫數
公者則與參國議分均休咎其餘並優以寬科全其
封祿莫不終以功名延慶于後昔留侯以為高祖悉
用蕭曹故人而郭伋亦譏南陽多顯鄭興又戒功臣
專任夫崇恩偏授易啓私溺之失至公均被必廣招
賢之路意者不其然乎永平中顯宗追感前世功臣
乃圖畫二十八將於南宮雲臺其外又有王常李通
竇融卓茂合三十二人故依其本第係之篇末以志
功臣之次云爾

太傅高密侯鄧禹

中山太守全椒侯馬成

大司馬廣平侯吳漢

河南尹阜成侯王梁

左將軍膠東侯賈復

琅邪太守祝阿侯陳俊

建威大將軍好時侯景奔

驃騎大將軍參謀侯杜茂

執金吾雍奴侯寇恂 積弩將軍昆陽侯傅俊

征南大將軍舞陽侯岑彭 左曹合肥侯堅鐔

征西大將軍夏陽侯馮異 上谷太守淮陽侯王霸

建義大將軍鬲侯朱祐 信都太守阿陵侯任光

征虜將軍潁陽侯祭遵 豫章太守中水侯李忠

驃騎大將軍櫟陽侯景丹 右將軍槐里侯萬脩

虎牙大將軍安平侯蓋延 太常靈壽侯邳彤

衛尉安成侯鮑期 驍騎將軍昌成侯劉植

東郡太守東光侯景純 橫野大將軍山桑侯王當

城陽校尉明陵侯臧宮 大司空固始侯李通

捕虜將軍楊虛侯馬武 大司空安豐侯竇融

驃騎將軍真侯劉隆 大傅宣德侯卓茂

錄功臣後

章帝建初七年車駕西循狩以韋彪行太常從數召入問以三輔舊事禮儀風俗彪因建言今西循舊都宜追錄高祖中宗功臣褒顯先勲紀其子孫帝納之乃制詔京兆尹右扶風求蕭何霍光後時光無苗裔唯封何末孫熊為鄴侯建初二年已封曹參後湛為平陽侯故不復及焉彪傳

和帝永元三年十一月詔曰高祖功臣蕭曹為首有傳世不絕之義曹相國後容城侯無嗣朕望長陵東門見二臣之壠循其遠節每有感焉忠義獲寵古今

所同可遣使者以中宰祠大鴻臚求近親宜為前者

須景風紹封以章厥功紀之於春秋考異郵曰夏至四十五日景風至則封有功

安帝永初六年下詔曰夫仁不遺親義不忘勞興滅

繼絕善善及子孫古之典也昔我光武受命中興恢

弘聖緒橫被四表昭假上下光耀萬世祉祚流衍垂

於罔極予末小子夙夜深思追惟勲烈披圖索籍建

武元功二十八將佐命虎臣讖記有證蓋蕭曹紹封

傳繼於今况此未遠而或至乏祀朕甚愍之其條二

十八將無嗣絕世若犯罪奪國其子孫應當統後者

分別狀上將及景風章叙舊德顯茲遺功焉於是紹

封馮異孫普子晨為平鄉侯明年二十八將絕國者

皆紹封焉馮異傳案表宏紀云封鄧禹馮異等後九人為列侯

紹封

張純高祖父安世封富平侯純少襲爵土建武初先

來詣闕故得復國有司奏列侯非宗室不宜復國光

武曰張純宿衛十有餘年其勿廢更封武始侯食富

平之半張純傳

諸紹封者皆食其國半租獨鄧康以太后戚屬食三

之二鄧康傳

分封

廣平侯吳漢薨子哀侯成嗣為奴所殺建武二十八

年分漢封為三國成子旦為濯陽侯以奉漢祀旦弟

盱為筑陽侯成弟國公新蔡侯

高密侯鄧禹薨帝分禹封為三國長子震為高密侯

襲為昌安侯孫為夷安侯

西平侯鄧弘薨子廣德嗣後以帝師之重分西平之

都鄉封廣德弟甫德為都鄉侯按西京無分封之例東都此類不一略舉

數條以為例

公主子封

皇女封公主者所生之子襲母封為列侯馬定獲嘉公主子襲

封獲嘉侯馮奮平陽公主子襲封平陽侯此其類也皆傳國於後鄉亭之封則

不傳襲自官

宰相封

漢家舊制丞相拜日封為列侯侯霸

袁夢麟曰漢初丞相選用列侯至武帝用公孫弘

起自踈遠未有爵邑於是封平津侯丞相封侯自

此始光武中興尚仍前制伏湛代鄧禹為大司徒

封陽都侯湛免以侯霸代之止封關內侯凡歷九

年而薨帝始下詔曰漢家舊制丞相拜日封為列

侯朕以軍帥暴露功臣未封緣忠臣之義不欲相

踰未及爵命奄然而終因追封霸為則鄉侯其比

西京之制雖未鑄削亦淹緩矣自是之後位三公

者皆不復有茅土之封惟靈帝初陳蕃為太傅錄

尚書事實太后優詔封為高鄉侯蕃固辭不受自

是宰相封侯之制遂廢

外戚恩澤族

建武十三年外戚恩澤封者四十五人紀

顯宗在位後宮之家不得封侯與政紀

章帝建初元年欲封爵諸舅太后不聽明年夏大旱言事者以爲不封外戚之故有司因此上奏宜依舊典太后詔曰凡言事者皆欲媚朕以要福耳昔王氏五侯同日俱封其時黃霧四塞不聞雷霆之應又田蚡竇嬰寵貴橫恣禍爲世所傳故先帝防謹舅氏不令在樞機之位諸子之封裁令半楚淮陽諸國常謂我子不當與先帝子等今有司奈何欲以馬

氏比陰氏乎吾豈天下母而身服大練食不求甘左右但著帛布無玉薰之飾者欲身率下也以爲外親見之嘗傷心自勸但笑言太后素好儉前過濯龍門上見外家問起居者車如流水馬如游龍舍頭衣綠襦領袖正白顧視御者不及遠矣故不加譴怒但絕歲用而已冀以默愧其心而猶辭息無憂國忘家之慮知臣莫若君况親屬乎吾豈可上負先帝之旨下虧先人之德重襲西京敗亡之禍哉固不許帝省詔悲歎復重請曰漢興舅氏之封漢猶皇子之爲王也太后誠存謙虛奈何今臣獨不加恩三舅乎且衛尉年尊兩校尉有大病如令不諱使臣長抱刻骨之恨

宜及吉時不可稽留太后報曰吾反覆念之思令兩
善豈徒欲獲謙遜之名而使帝受不外施之嫌哉昔
竇太后欲封王皇后之兄丞相條侯言受高祖約無
軍功非劉氏不侯今馬氏無功於國豈得與陰郭中
興之后等邪常觀富貴之家祿位重疊猶再實之木
其根必傷且人所以願封侯者欲上奉祭祀下求溫
飽耳今祭祀則受四方之珍衣食則蒙御府餘資斯
豈不足而必當得一縣乎吾計之熟矣勿有疑也夫
至孝之行安親爲上今數遭變異穀價數倍憂惶晝
夜不安坐卧而欲先營外封違慈母之拳拳乎吾素
剛急有曾中氣不可不順也若陰陽調和邊境清淨

然後行子之志吾但當含飴弄孫不能復關政矣四
年天下豐稔方垂無事帝遂封三舅廖防光皆爲列
侯廖等辭遜不得已受封爵而退

馬台

和帝元興元年追爵謚皇后父鄧訓爲平壽敬侯司
空陳寵以非舊典也太尉張禹司徒徐防以爲宜封
爭之連日乃從禹防議

表紀

威帝元嘉元年以梁冀有援立之功欲褒崇殊典乃
大會公卿議其禮特進胡廣太常羊溥司隸校尉祝
恬大中大夫邊韶等咸稱冀之勲德其制度資賞宜
比周公錫之山川土田附庸司空黃瓊獨建議曰冀
前以親迎之勞增邑三千又其子亦加封賞昔周公

輔相成王制禮作樂化致太平是以大啓土宇闢地
七百今諸侯以戶邑爲制不以里數爲限蕭何識其
祖於泗水霍光定傾危以興國皆益戶增封以顯其
功冀可比鄧禹合食四縣賞賜之差同於霍光朝廷
從之 黃瓊及梁冀傳

延熹二年光祿勳陳蕃以封爵踰制內寵愈盛乃上
疏諫曰臣聞有事社稷者社稷是爲有事人君者容
悅是爲今臣蒙恩聖朝備位九列見非不諫則容悅
也夫諸侯上象四七垂耀在天下應分土藩屏上國
高祖之約非功臣不侯而聞追錄河南尹鄧禹世父
遵之微功更爵尚書令黃雋先人之絕封近習以非
義授邑左右以無功傳賞授位不料其任裂土莫紀
其功至乃一門之內侯者數人故緯象失度陰陽謬
序稼用不成民用不康臣知封事已行言之無及誠
欲陛下從是而止 蕃傳

威帝時恩澤侯以無勞受封羣臣不說而莫敢諫趙
典獨奏曰夫無功而賞勞者不勸上忝下辱亂象干
度且高祖之誓非功臣不封宜一切削免爵土以存
舊典與帝不從 趙典傳

宦者封侯

和帝即祚幼弱而竇憲兄弟專恣權威內外臣僚莫
由親接所與居者唯閹宦而已故鄭衆得專謀禁中

終除大慙遂享茅土之封超登官卿之位於是中官

始盛焉

宦者傳按封鄉侯食邑千五百戶

延熹二年成帝以梁冀兄弟專固詔中常侍單超等收冀及宗親黨與悉誅之封超新豐侯一萬戶徐璜武原侯具援東武陽侯各萬五千戶左悺上蔡侯唐衡汝陽侯各萬二千戶五人同日封故世謂之五侯又封小黃門劉普趙忠等八人為鄉侯自是權歸宦

官朝廷日亂矣

宦者傳

順帝陽嘉四年初聽中官得以養子為後世襲封爵紀靈帝時例封官者以中常侍呂強為都鄉侯強辭遜懇惻固不敢當帝乃聽之因上疏曰臣聞諸侯上象

四七下裂王土高祖重約非功臣不侯所以重天爵明勸戒也中常侍曹節王用張遜等及侍中許相並為列侯節等官官枯薄品卑人賤諛諂媚主疾如患良而陛下不悟妄授茅土臣誠知封事已行言之無逮實願陛下損改既謬從此一止

呂強傳

臣天麟按東漢之季閹宦擅權直茅分虎布滿官闈自朱穆抗言極諫而忠鯁之士相繼論列呂強身為中貴而能持論如此亦可以見是非之公在人心者不容泯也

東漢會要卷第十八

奉議郎武學博士巨徐 天麟 上進

封建下

列侯

列侯所食縣為侯國本注曰承秦爵二十等為徹侯金印紫綬以賞有功功大者食縣小者食鄉亭得臣其所食吏民後避武帝諱為列侯武帝元朔二年令諸王得推恩分衆子土國家為封亦為列侯舊列侯奉朝請在長安者位次三公中興以來唯以功德賜位特進者次車騎將軍賜位朝侯次五校尉賜位侍祠侯次大夫其餘以肺腑及公主子孫奉墳墓於京

俞克

都者亦隨時見會位在博士議郎下百官志胡廣曰是為猥諸侯

關內侯

承秦賜爵十九等為關內侯無土寄食在所縣民租多少各有戶數為限百官志如淳曰列侯出關就國侯但爵身其有家累者與之關

大夫之邑

爵

承秦爵十八級合關內侯列侯為二十等百官志

劉劭爵制曰古者天子寄軍政於六鄉居則以田警則以戰秦依古制其在軍賜爵為等級其帥人皆更卒也有功賜爵則在軍吏之例自一爵以上至不更四等皆士也大夫以上至五大夫五等比大夫也九

等依九命之義也自左庶長以上至大庶長九卿之義也關內侯者依古圻內子男之義也秦都山西以關內爲王畿故曰關內侯也列侯者依古列國諸侯之義也然則卿大夫士下之品皆放古比朝之制而異其名亦所以殊軍國也古者以車戰兵車一乘步卒七十二人分翼左右車大夫在左御者處中勇士居右凡七十五人一爵曰公士者步卒之有爵爲公士者二爵曰上造造成也古者成士升於司徒曰造士雖依此名皆步卒也三爵曰簪褭御駟馬者要褭古之名馬也駕駟馬者其形似簪故曰簪褭也四爵曰不更者爲車右不復與凡更卒同也五爵曰大夫

大夫者在車左者也六爵爲官大夫七爵爲公大夫八爵爲公乘九爵爲五大夫皆軍吏也吏民爵不得過公乘者得貫與子若同產然則公乘者軍吏之爵最高者也雖非臨戰得公卒車故曰公乘也十爵爲左庶長十一爵爲右庶長十二爵爲左更十三爵爲中更十四爵爲右更十五爵爲少上造十六爵爲大上造十七爵爲駟車庶長十八爵爲大庶長十九爵爲關內侯二十爵爲列侯自左庶長已上至大庶長皆卿大夫皆軍將也所將皆庶人更卒也故以庶更爲名大庶長即大將軍也左右庶長即左右偏裨將

軍也

百官志注

王侯號

靈壽王

彭城靖王未封賜號靈壽王未有國邑其美名

重熹王

樂成靖王未封賜號重熹王

承義侯冠

成義侯

梁統 興義侯景

奉義侯景

輔義侯

庫鈞 扶義侯辛

助義侯竺

褒義侯

史苞 褒親侯天翁

褒德侯卓

歸德侯

劉翹 褒成侯孔志

顯親侯寶

建策侯

吳漢 建功侯蓋

宣恩侯陸

討姦侯

杜習 折姦侯燕

征志侯來

破虜侯

沈頊 不義侯蒼頭

破羗侯楡

率眾王

烏倫 率眾侯其至

臣天麟按漢世封侯皆以縣邑其後或以鄉亭皆

視其所食之邑而名之至於功名顯著則有特加

美名著西都信武冠軍富民博陸之類是也東漢

因之時有美號至於彭寵蓋以奴弒主而封之

不義侯夫果不義則不應封爵使其功可封則非

可言不義矣光武於是失之

特進侯

高密侯鄧禹以特進奉朝請

固始侯李通上大司空印綬以特進奉朝請

夷安侯鄧康以病免加位特進

賈復以列侯就第加位特進

竇篤封鄆侯進位特進得舉吏

鄧騭封上蔡侯位特進

竇固封顯親侯加位特進

馬廖馬防馬光皆封列侯以特進就第

樊宏拜光祿大夫位特進次三公按宏位特進時

始封三公

陰識封陰鄉侯拜執金吾位特進

陰就封新陽侯為少府位特進

梁崇梁雍梁翟梁商俱封列侯位特進

朱雋封錢塘侯加位特進各本

後漢皇后父兄率為特進侯朝會位次三公通

臣天麟按鄧騭傳云騭兄弟並奉朝請位次在三

公下特進侯上注云在特進及列侯之上此注誤

也按百官志云列侯以功德賜位特進者以車馬

將軍則此所謂特進侯者蓋謂列侯而賜位特進

者耳

侍祠侯張

富平侯張奮來朝顯宗以為侍祠侯張

鄧禹孫康以侍祠侯為越騎校尉注引漢法儀曰諸侯

功德優盛朝廷所敬者位特進在三公下其次朝侯在

九卿下其次侍祠侯其次下上小國侯以帥附親公主

子孫表墳墓於京師亦隨時朝見是為列侯也

小侯

四姓小侯

明帝永平九年為四姓小侯立學校注云四姓謂外戚樊氏郭氏陰氏馬氏諸子弟

以非列侯故曰小侯按顏氏家訓謂以小年獲封故曰小侯

鄧禹少子鴻好等爵策永平中以為小侯本傳

四姓及梁鄧小侯威紀建和二年賜帛

馬鉅為常從小侯馬防傳

王主

漢制諸王女皆封鄉亭公主儀服同鄉亭侯蕭宗唯特封東平憲王蒼琅邪孝王京女為縣公主

婦人封號

顯宗時東海王彊上疏言天恩愍哀以臣無男之故

三十一

東漢會要十八

五

余云

封鄧侯之類

本傳注云即婦人封侯也若呂后之類呂頊封為臨光侯蕭何封人

安帝永初元年爵皇太后母陰氏為新野君紀

安帝乳母王聖封野王君來歷傳

延光元年追尊閻皇后母宗為滎陽君續漢志曰婦人封君儀比

公主油捷駟車帶綬以采組為緹帶各如其綬色黃金辟邪加其首為帶

順帝爵號阿母宋娥為山陽君五行志

初順帝廢為濟陰王乳母宋娥與黃門孫程等共議

立帝帝後遂封娥為山陽君邑五千戶尚書令左雄

上封事曰夫裂土封侯王制所重誠不宜追錄小恩

虧失大典案尚書故事無乳母爵邑之制唯先帝時

阿母王聖為野王君造生護賊今阿母躬蹈儉約而與王聖同爵號懼違本操乞歲以千萬給奉阿母帝卒封之傳

陽嘉二年有地動山崩之異李固對策曰前孝安皇帝變亂舊典封爵阿母今宋阿母雖有大功但加賞賜足以酬其勞苦至於裂土開國實乖舊典順帝覽其對即時出阿母還第舍傳

順烈梁皇后母追封開封君五行志

威帝永興中封鄧皇后母宣為長安君四年更為昆陽君

靈帝封何皇后母興為舞陽君后紀

三九 東漢會要十八 六 二五

建寧二年爵號乳母趙嬖為平氏君表紀

梁冀為大將軍或言冀有周公之功其妻宜為邑君詔遂封冀妻孫壽為襄城君兼食陽翟租歲入五十萬冀一門夫人女食邑稱君者七人梁冀傳

四夷國

四夷國王率眾王歸義侯邑君邑長皆有丞比郡縣百官志

位次

列侯封邑小大不同而其位序則與公卿相配按靈思何后紀注大縣侯位視三公小縣侯位視七卿鄉亭侯視中二千石蓋中二千石即九卿秩耳然百官

志云舊列侯奉朝請在長安者位次三公中興以來
惟以功德賜位特進者次車騎將軍賜位朝侯次五
校尉賜位侍祠侯次大夫其餘以肺附及公王子孫
奉墳墓於京師者亦隨時見會位在博士議郎下而
鄧禹傳注復云諸侯功德優盛朝廷所敬者位特進
在三公下其次朝侯在九卿下是三考前後參錯未
知孰正也以紀傳修

戶邑

太子食湯沐邑十縣班彪傳

永平十五年明帝案地圖將封皇子悉半諸國馬后
見而言曰諸子食數縣於制不已儉乎帝曰我子豈

宜與先帝子等乎歲給二千萬足矣明德馬后傳

列侯所食縣為侯國公主所食湯沐曰國百官志

臣天麟按西都之制列侯封君食租稅歲率戶二
百千戶之君則二十萬至封戶多寡之日則初無
定制特視其功之大小以加之霍光封博陸侯所
食才二萬霍去病封冠軍侯所食萬七千七百餘
至後漢梁冀所食至三萬戶視西都為益廣矣

國租

明帝封諸子租歲不過二千萬孝明八王論

肅宗按輿地圖令諸國戶口皆等租入歲各八千萬

陳敬王傳

順帝永和六年詔貸王侯國租一歲

漢安二年又貸王侯國租一歲

威帝延熹四年貸王侯半租

五年損王侯租以助軍糧出濯龍藏錢還之並紀

諸紹封者皆食故國半租鄧禹孫康襲父爵以太后

戚屬獨三分食二鄧禹傳

茅土

諸王封者皆受茅土歸以立社稷禮也百官志按蔡

子大社封謂侯者取其土苞白茅移之以立社其國

故謂之受茅土漢興唯皇子身為王者得茅土其他

朝賀

功臣以戶數租入為節不受茅土不立社也

列土特進朝侯賀正月執璧百官志

大夫無負掌奉王使至京都奉璧賀正月上

北海敬王睦歲終遣中大夫奉璧朝賀北海王與傳

中元元年春正月東海王彊沛王輔楚王英濟南王

康淮陽王延趙王盱皆來紀下

明帝永平二年九月沛王輔楚王英濟南王康淮陽

王延東海王政來朝

六年正月沛王輔楚王英東平王蒼淮陽王延琅邪

王京東海王政趙王盱北海王興齊王石來朝

十一年正月沛王輔楚王英濟南王康東平王蒼淮

陽王延中山王焉琅邪王京東海王政來朝

肅宗建初七年正月沛王輔濟南王康東平王蒼中山王焉東海王政琅邪王宇來朝

東平王上疏請詔諸王朝各賜裝錢千萬東平王加五百萬表紀

安帝延光三年齊王無忌北海王普樂安王延來朝紀

朱暉辟東平王府正月朔旦蒼當入賀故事少府給

璧是時陰就為府知驕貴吏傲不奉法蒼坐朝堂漏

且盡而求璧不可得顧謂掾屬曰若之何暉望見少

府主簿持璧即往給之曰我數聞璧而未嘗見請試

觀之主簿以授暉暉顧召令史奉之主簿大驚遽以

白就就曰朱掾義士勿復求更以他璧朝蒼既罷召

暉謂曰屬者掾自視孰與藺相如帝聞壯之朱暉傳

奉朝請

鄧騭兄弟俱以列侯奉朝請按漢制列侯在京師無職位皆以奉朝請為名

鄧晨以西華侯奉朝請並奉朝請傳

就國

建武六年始遣列侯就國紀

肅宗性寬仁而親親之恩篤故叔父濟南中山二王

每數入朝特加恩寵及諸昆弟並留京師不遣就國

宋意以為人臣有節不宜踰禮過恩乃上疏諫曰陛

下至孝烝烝恩愛隆深以濟南王康中山王焉先帝

昆弟特蒙禮寵聖情戀戀不忍遠離比年朝見久留

京師崇以叔父之尊同之家人之禮車入殿門即席
不拜分甘損膳賞賜優渥昔周公懷聖人之德有致
太平之功然後王曰叔父加以賜幣今康焉幸以支
庶享食大國陛下即位蠲除前過還所削黜衍食它
縣男女少長並受爵邑恩寵踰制禮敬過度春秋之
義諸父昆弟無所不臣所以尊尊卑卑彊幹弱枝者
也陛下德業隆盛當爲萬世典法不宜以私恩損上
下之序夫君臣之正又西平王羨等六王皆妻子成
家官屬備具當早就蕃國爲子孫基趾而室第相望
父磐京邑婚姻之盛過於本朝僕馬之衆充塞城郭
驕奢僭擬寵祿隆過今諸國之封並皆膏腴風氣平

調道路夷近朝聘有期行來不難且割情不忍以義
斷恩發遣康焉各歸蕃國令羨等速就便時以塞衆
望帝納之宋意傳

和帝即位陳王羨彭城王恭樂成王黨下邳王衍梁

王暢始就國

建初二年帝不忍與諸王乖離旨留京師今禮之國

殤帝延平元年清河王慶濟北王壽河間王開常山
王章始就國並統

王國官屬

皇子封王其郡爲國置傅一人相一人皆二千石本
注曰傅主導王以善禮如師不臣也相如太守有長
史如郡丞漢初立諸王因項羽所立諸王之制地既

廣天且至千里又其官職博為太傅相為丞相又有御史大夫及諸卿皆秩二千石百官皆如朝廷國家唯為置丞相其御史大夫以下皆自置之至景帝時吳楚七國恃其國大遂以作亂幾危漢室及其誅滅景帝懲之遂令諸王不得治民令內史主治民政丞相曰相省御史大夫廷尉少府宗正博士官武帝改漢內史中尉郎中令之名而王國如故負職皆朝廷為補不得自置至成帝省內史治民更令相治民大傅但曰傅中尉一人比二千石本注曰職如郡都尉主盜賊郎中令一人僕一人皆千石本注曰郎中令掌王大夫郎中宿衛官如光祿勳自省少府職皆并焉僕主車及馭如太僕本注曰太僕比二千石武帝改但曰僕又皆減其秩治書比六百石本注曰治書本尚書更名大夫比六百石本注曰無負掌奉王使至京都奏璧賀正月及使諸國本皆持節後去節謁者比四百石本注曰掌冠長冠本負十六人後減禮樂長本注曰主樂人衛士長本注曰主衛士醫工長本注曰主醫藥永巷長本注曰宦者主宮中婢使祠祀長本注曰主祠祀皆比四百石郎中二百石本注曰無負百官志

侯國官屬

列侯每國置相一人其秩各如本縣本注曰主治民

如今長不臣也但納租于侯以戶數為限其家臣置
家丞庶子各一人本注曰主侍侯使理家事列侯舊
有行人洗馬門大夫凡五官中興以來食邑千戶已
上置家丞庶子各一人不滿千戶不置家丞又悉省
行人洗馬門大夫

百官志

郵典

自中興至和帝時皇子始封薨者皆賜錢三千萬布

三萬匹嗣王薨賜錢千萬布萬匹

中山簡王傳

自永初以後國用不足始封王薨減賜錢為千萬布

萬匹嗣王薨五百萬布五千匹

濟北惠王傳

東海恭王薨使大司空持節護喪事大鴻臚副宗正

三升八

東漢會要卷第十八

十二

三升八

將作大匠視喪事贈以殊禮升龍旌頭鸞輅龍旂虎

賁百人

本傳

東平憲王薨遣大鴻臚持節五官中郎將副監喪及

將作使者凡六人賜錢前後一億布九萬匹及葬加

賜鸞輅乘馬龍旂九旒虎賁百人元和三年東海王

幸蒼陵為陳虎賁鸞輅龍旂以章顯之祠以太守親

拜祠坐哭泣盡哀賜御劍于陵前

本傳

東漢會要卷第十八

廿

卷之八

七

七

王世宗之太弟也 為五官中郎將 封陸渾侯 及
 其出凡六人 賜姓 封侯 德有九萬 四乃益加
 其 為龍 於九公 凡有 人元 初三年 東向 封
 陸渾侯 陸渾侯 有 德 龍 於 以 重 顯 之 祠 以 今 守 類
 其 出 凡 六 人 賜 姓 封 侯 德 有 九 萬 四 乃 益 加
 其 為 龍 於 九 公 凡 有 人 元 初 三 年 東 向 封
 陸 渾 侯 陸 渾 侯 有 德 龍 於 以 重 顯 之 祠 以 今 守 類

陸渾侯

